

Landsfundur Kvennalistans hefst í dag: **Samstarf við Jóhönnu rætt**

„Landsfundurinn er að sjálf-sögðu rétti vettvangurinn til að taka hugsanlegt samstarf við Jóhönnu Sigurðardóttur fyrir. Við erum að fara inn í kosningabaráttu og ég býst við að þetta verði rætt þó að það hafi engan forgang í umræðunum,“ segir Anna Ólaf-

dóttir Björnsson, þingkona Kvennalistans.

Landsfundur Kvennalistans hefst í dag á Varmalandi í Borgarfirði og stendur til sunnudags. Aðalefni fundarins verður stefnuskrá Kvennalistans fyrir þingkosningarar í vor, auk þess sem komið

verður inn á framboðsmálin. Talið er að framboðslistar Kvennalistans í Reykjavík og á Reykjanesi skýrist ekki fyrr en eftir landsfundinn. Samkvæmt útskiptareglu Kvennalistans hætta Anna Ólafsdóttir Björnsson og Kristín Einarssdóttir á þingi í vor.

DV - 11.11.1994

Jóna Valgerður Kristjánsdóttir á landsfundi Kvennalistans

Skoða á möguleika á framboði með Jóhönnu

Mol. 13.11.1994

JÓNA Valgerður Kristjánsdóttir, þingkona Kvennalistans, sagði í umræðum um stjórnmálaviðhorfið og kosningabaráttuna framundan á landsfundi Kvennalistans á Varmalandi í gær að hún væri þeirrar skoðunar að Kvennalistinn ætti að skoða hvort einhverjir möguleikar væru á að bjóða fram með Jóhönnu Sigurðardóttur.

Jóna Valgerður sagði í samtali við Morgunblaðið að hún virtist vera í algjörum minnihluta á fundinum með bessar skoðanir. Niðurstaðan af umræðunum í gärmorgun væri að Kvennalistinn byði fram með sama hætti og hann hefði gert en skerpti

línurnar í kvenningaráttunni verulega og hún væri sammála því. „Ég vildi fá umræðu um það að skerpa svolitið línumnar í þessari kvenningaráttu. Hvort við gerum það með því að fara í samstarf við aðra fyrir kosningar eða eftir kosningar verður fundurinn í raun og veru að skera úr um,“ sagði hún.

Hún sagði að helstu rök sín fyrir þessari skoðun væru að hún teldi að framboð Jóhönnu myndi höggva talsvert stór skörð í raðir fylgismanna Kvennalistans, að minnsta kosti miðað við óbreytt ástand og ef Kvennalistinn skerpti ekki verulega stjórnmalabaráttu sína og byði

fram sterka og góða málsvara kvenningaráttunnar.

Gert á eigin forsendum

Aðspurð hvort hún óttaðist ekki að Kvennalistinn tapaði sérstöðu sinni með því að bjóða fram með öðrum sagði hún að Kvennalistinn myndi gera það á sínum eigin forsendum og benti á sameiginlegt framboð R-listans í síðustu borgarstjórnarkosningum, þar sem Kvennalistinn ætti þrjá fulltrúa af átta fulltrúum meirihlutans. Hún liti ekki þannig á málið að Kvennalistinn væri að leggja sig niður með slíku sameiginlegu framboði.